



JADUAL KHUTBAH JUMAAT SIRI 3/ 2022 (Bulan Mac 2022)

Bil.	Tajuk	Tarikh	Muka Surat
1.	IKTIBAR DARI PERJALANAN AGONG (SEMPENA ISRAK DAN MIKRAJ)	4.3.2022M/ 1 Sya'ban 1443H	3
2.	WAHAI SUAMI, ISTERIMU TIKET KE SYURGA	11.3.2022M/ 8 Sya'ban 1443H	10
3.	27 KALI GANDA	18.3.2022M/ 15 Sya'ban 1443H	13
4.	BERJIRAN HINGGA KE SYURGA	25.3.2022M/ 22 Sya'ban 1443H	18
KHUTBAH KEDUA			24

Percetakan dibiayai:



زكاة قولوا قينغ

No Telefon: 04-549 8088

Jawatankuasa Panel Semakan Teks Khutbah Negeri Pulau Pinang

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 3. Ustaz Rosli bin Othman**
Ketua Sektor Pendidikan Islam,
Jabatan Pendidikan Negeri Pulau Pinang
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





BERJIRAN HINGGA KE SYURGA

(25 Mac 2022M/ 22 Syaaban 1443H)

الْحَمْدُ لِلَّهِ الَّذِي جَعَلَ حَقَّ الْمُسْلِمِ عَلَى الْمُسْلِمِ مِنْ آكِدِ الْحَقُوقِ، وَجَعَلَ
لِلْجَارِ حَقًّا عَلَى جَارِهِ وَإِنْ كَانَ مِنْ أَهْلِ الْكُفْرِ وَالْفُسُوقِ.

وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ هُوَ الْخَالِقُ وَكُلُّ شَيْءٍ سِوَاهُ
مَخْلُوقٌ، وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ الصَّادِقُ الْمَصْدُوقُ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ النَّاطِقِ بِأَفْضَلِ مَنْطُوقٍ، وَعَلَى
إِلِهِ وَصَحْبِهِ الْمُؤَدِّينَ لِلْحَقُوقِ، وَعَلَى التَّابِعِينَ لَهُمْ بِإِحْسَانٍ مِنْ سَابِقٍ
وَمَسْبُوقٍ.

أَمَّا بَعْدُ، فَأَيُّهَا النَّاسُ، اتَّقُوا اللَّهَ وَاعْلَمُوا أَنَّ حَقَّ الْجَارِ عَلَى جَارِهِ مُؤَكَّدٌ
بِالْآيَاتِ وَالْأَحَادِيثِ لَعَلَّكُمْ تُرْحَمُونَ.

SIDANG JUMAAT YANG DIRAHMATI ALLAH SEKALIAN,

Khatib menyeru kepada para jemaah sekalian agar meneruskan usaha mempertingkatkan ketakwaan kepada Allah سُبْحَانَهُ وَتَعَالَى agar kehidupan kita di dunia sentiasa berada dalam landasan agama dan kehidupan kita di akhirat nanti mendapat rahmat dari Allah سُبْحَانَهُ وَتَعَالَى sehingga beroleh syurga.

Sebelum melanjutkan bicara, marilah kita berikan sepenuh tumpuan kepada isi kandungan khutbah hari ini. Sedarlah bahawasanya perbuatan berbual-bual, bermain telefon bimbit atau tidur dengan sengaja adalah



perbuatan sia-sia yang boleh menjejaskan kesempurnaan meraih ganjaran pahala.

SIDANG JUMAAT YANG DIRAHMATI ALLAH,

Manusia diciptakan Allah **سُبْحَانَهُ وَتَعَالَى** sebagai makhluk yang bersosial. Saban hari kita akan berkomunikasi dengan insan lain sama ada keluarga, sanak saudara, jiran tetangga, rakan taulan, rakan sekerja, berurusan di pejabat, berjual beli dan pelbagai lapangan lagi. Justeru, khutbah pada hari ingin mengajak sidang Jumaat sekalian untuk memberi tumpuan kepada tajuk khutbah: **“Berjiran hingga ke Syurga”**.

SIDANG JUMAAT SEKALIAN,

Surah an-Nisa’ ayat 36, Allah **سُبْحَانَهُ وَتَعَالَى** berfirman:

وَأَعْبُدُوا اللَّهَ وَلَا تُشْرِكُوا بِهِ شَيْئًا وَبِالْوَالِدَيْنِ إِحْسَنًا وَبِذِي الْقُرْبَىٰ وَالْيَتَامَىٰ وَالْمَسْكِينِ
وَالْجَارِ ذِي الْقُرْبَىٰ وَالْجَارِ الْجُنُبِ وَالصَّاحِبِ بِالْجَنبِ وَابْنِ السَّبِيلِ وَمَا مَلَكَتْ أَيْمَانُكُمْ
إِنَّ اللَّهَ لَا يُحِبُّ مَن كَانَ مُخْتَالًا فَخُورًا ﴿٣٦﴾

Maksudnya: *“Dan hendaklah kamu beribadah kepada Allah dan janganlah kamu sekutukan Dia dengan sesuatu apa jua dan hendaklah kamu berbuat baik kepada kedua ibu bapa, kaum kerabat, anak-anak yatim, orang-orang miskin, jiran tetangga yang dekat, jiran tetangga yang jauh, rakan sejawat, orang musafir yang terlantar dan juga hamba yang kamu miliki. Sesungguhnya Allah tidak suka kepada orang-orang yang sombong takbur dan membangga-banggakan diri”*.

Jiran adalah mereka yang tinggal berhampiran dengan kediaman kita. Jika kita tinggal di kampung dan taman perumahan, maka kejiranan kita adalah mereka yang berada di kanan, kiri, hadapan dan belakang kita. Jika berada di rumah pangsa, apartment dan sebagainya, maka kejiranan kita adalah mereka yang berada di kiri, kanan, hadapan, atas dan bawah kita.

Mimbar pada hari ini ingin menegaskan bahawa, betapa agama ini amat mengambil berat berkenaan ehwal kejiranan sehingga Nabi ﷺ memberi peringatan dalam hadis baginda:

مَنْ كَانَ يُؤْمِنُ بِاللَّهِ وَالْيَوْمِ الْآخِرِ فَلْيُحْسِنْ إِلَى جَارِهِ

Maksudnya: “Barangsiapa yang beriman kepada Allah dan hari akhirat, maka hendaklah dia berbuat baik kepada jirannya.”

(Hadis Riwayat Imam Muslim)

سُبْحَانَهُ وَتَعَالَى، SIDANG JUMAAT YANG DIRAHMATI ALLAH

Menyakiti jiran adalah perbuatan dosa yang bakal merosakkan keharmonian masyarakat. Hidup bermasyarakat memerlukan persefahaman yang sangat signifikan antara satu sama lain. Isu-isu yang berbangkit dalam kejiranan tidak dapat diselesaikan andai kita bersikap ingin difahami tetapi tidak mahu memahami orang lain. Sikap mementingkan diri inilah yang menjadi punca utama kepada perbalahan yang akhirnya menjadi api dalam sekam kepada masyarakat. Lebih merbahaya, masyarakat kita kini sudah hilang sedikit demi sedikit budaya bermasyarakat dan kemahiran berkomunikasi sesama sendiri. Sebuah hadis daripada Abu Hurairah R.A beliau berkata:

**قَالَ رَجُلٌ: يَا رَسُولَ اللَّهِ، إِنَّ فُلَانَةَ يُذَكِّرُ مِنْ كَثْرَةِ صَلَاتِهَا، وَصِيَامِهَا، وَصَدَقَتِهَا،
غَيْرَ أَنَّهَا تُؤْذِي جِيرَانَهَا بِلِسَانِهَا، قَالَ: هِيَ فِي النَّارِ.**

Maksudnya: *Telah berkata seorang lelaki kepada Rasulullah ﷺ: “Wahai Rasulullah, sesungguhnya wanita ini terkenal dengan banyaknya solat, berpuasa dan bersedekah tetapi dia sentiasa menyakiti jirannya dengan lidahnya.” Lalu Nabi ﷺ bersabda: “Dia akan masuk ke dalam neraka.”* (Hadis Riwayat Ahmad)



SIDANG JUMAAT SEKALIAN,

Saban hari kita sering mendengar berkaitan rungutan kejiwaan masyarakat, antaranya terpaksa membersihkan najis kucing peliharaan jiran tetangga yang lain dan binatang peliharaan merosakkan tanaman. Begitu juga rungutan terhadap tetangga yang membuat gangguan bunyi bising dengan radio, berkaraoke, bertukang, membaiki kenderaan dan sebagainya sedangkan jiran tetangga lain sedang beristirahat. Ada juga kes jiran yang mengambil dan menyusahkan hak orang lain dengan membuat pengubahsuaian rumah sehingga melanggar hak, sempadan, dan menyebabkan kerosakan pada rumah jiran. Semua ini kerana sikap tamak dan pentingkan diri tanpa memikirkan kesan terhadap orang lain.

Nabi ﷺ memberi ancaman kepada mereka yang menyakiti hati jiran tetangga sama ada dengan lisan dan perbuatannya. Beringatlah wahai saudaraku sekalian, andai bau najis binatang peliharaan kita mengganggu keselesaan jiran pun sudah dianggap satu dosa dalam agama, apatah lagi jika kita memaki-hamun, mengeluarkan kata-kata kesat, dan mengumpat jiran tetangga. Nabi ﷺ menyebutkan dengan jelas:

لَا يَدْخُلُ الْجَنَّةَ مَنْ لَا يَأْمَنُ جَارَهُ بَوَائِقَهُ

Maksudnya: “Tidak akan masuk syurga, orang yang membuat jirannya tidak merasa aman daripada gangguannya.”

(Hadis Riwayat Imam Muslim)

SIDANG JUMAAT YANG DIKASIH ALLAH SEKALIAN,

Aktiviti bersosial secara baik dapat menyelesaikan banyak masalah dan membuka minda kita terhadap permasalahan masyarakat. Kemahiran bermasyarakat juga menjadikan seseorang melihat masalah secara tepat dan mengelakkan sangkaan buruk dalam diri.



Justeru saudaraku sekalian, jahil dalam urusan kemasyarakatan juga menjauhkan kita dari keberkatan persaudaraan. Sebagai ketua keluarga, kita mestilah turun dalam lapangan masyarakat untuk bersosial. Jangan jadi umpama kera sumbang yang hanya pergi kerja dan pulang ke rumah tanpa memikirkan hal ehwal sekeliling.

Oleh sebab itu, ringankan diri untuk keluar solat berjamaah di masjid dan surau, menghadiri kenduri kendara, bertegur sapa dengan jiran tetangga, mengambil berat tentang anak-anak kejiranan dan menziarahi tetangga yang sedang sakit. Budaya seperti ini dilihat makin terhakis sedangkan hal-hal ini adalah sunnah baginda Nabi ﷺ.

SIDANG JUMAAT YANG DIMULIAKAN,

Khatib juga mengambil kesempatan bersempena Bulan Pengguna Kebangsaan Tahun 2022 ini, untuk menyeru sidang Jumaat sekalian agar memperkasakan diri tentang hak-hak pengguna dan berdaya upaya dalam pelbagai aspek terutamanya perlindungan pengguna. Kementerian Perdagangan Dalam Negeri dan Hal Ehwal Pengguna (KPDNHEP) Negeri Pulau Pinang juga menggesa kita semua untuk meningkatkan kefahaman arus teknologi digital. Hal ini amat penting dalam memastikan keselamatan serta melindungi kita dari ancaman *scam*, penipuan, penggodam dan sebagainya. والعياذ بالله

Sebagai penutup, ingin khatib ingatkan saudara sekalian tentang perkara berikut:

Pertama: Berbuat baiklah kepada jiran tetangga kerana ia membawa kebahagiaan dan keberkatan hidup. Berbuat baik ini tidak hanya terhad kepada kejiranan kita sesama mukmin sahaja, namun turut dituntut



kepada kejiranan kita yang masih belum menerima Islam. Hal ini jelas dalam sebuah hadis yang bermaksud:

“Abdullah bin Amr disembelih k kambing baginya oleh keluarganya ketika dia datang, kemudian dia berkata: “Apakah kamu telah memberi hadiah kepada tetangga kita orang Yahudi?” Aku mendengar Rasulullah ﷺ bersabda: “Malaikat Jibril selalu berwasiat kepada kami agar berbuat baik kepada tetangga sehingga aku menyangka bahawa dia akan menjadikan tetangga sebagai pewarisnya.”

Kedua: Rajin-rajinlah bertegur sapa sesama jiran tetangga, bertukar-tukar hadiah dan hidangan kerana ia akan mengikat kasih sayang.

Ketiga: Mengambil tahu tentang kepayahan dan sakit demam jiran tetangga dengan mengamalkan budaya saling ziarah-menziarahi.

Keempat: Memikirkan kepentingan bersama sebelum berbuat sesuatu yang melibatkan kepentingan bersama seperti bermusyawarah sebelum melaksanakan kenduri-kendara, memberitahu jiran terlebih dahulu sebelum mengubahsuai rumah dan sebagainya.

Kelima: Berkomunikasi secara baik andai mempunyai isu yang berbangkit antara satu sama lain dan bersedia menerima teguran.

أَعُوذُ بِاللَّهِ مِنَ الشَّيْطَانِ الرَّجِيمِ
وَلْتَكُنْ مِنْكُمْ أُمَّةٌ يَدْعُونَ إِلَى الْخَيْرِ وَيَأْمُرُونَ بِالْمَعْرُوفِ وَيَنْهَوْنَ عَنِ الْمُنْكَرِ وَأُولَئِكَ هُمُ
الْمُقْلِحُونَ ﴿١٦﴾

Maksudnya: “Dan hendaklah ada diantara kamu satu puak yang menyeru (berdakwah) kepada kebajikan (mengembangkan Islam) dan menyuruh berbuat segala perkara yang baik, serta melarang daripada segala yang

salah (buruk dan keji) dan mereka yang bersifat demikian ialah orang-orang yang berjaya”.

بَارَكَ اللَّهُ لِي وَلَكُمْ فِي الْوَحْيَيْنِ، وَنَفَعَنِي وَإِيَّاكُمْ بِمَا أُنْزِلَ عَلَى سَيِّدِ الثَّقَلَيْنِ، وَتَقَبَّلَ مِنِّي وَمِنْكُمْ طَاعَتَهُ لِسَعَادَةِ الدَّارَيْنِ، أَقُولُ مِنْ قَلْبِي الْحَنِينِ، وَأَسْتَغْفِرُ اللَّهَ الْعَظِيمَ لِي وَلَكُمْ أَجْمَعِينَ، وَلِسَائِرِ الْمُسْلِمِينَ وَالْمُؤْمِنِينَ، الْأَحْيَاءِ مِنْهُمْ وَالْمَيِّتِينَ، فَاسْتَغْفِرُوهُ يَا فُوزَ الْمُسْتَغْفِرِينَ، وَأَنْتَ أَرْحَمُ الرَّاحِمِينَ.





Khutbah Kedua Bulan Mac

2022M/ 1443H

الْحَمْدُ لِلَّهِ عَلَى آلَائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِحُشْنِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ،
وَاعْمَلُوا بِطَاعَتِهِ وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرِ بَدَأَ فِيهِ
بِنَفْسِهِ؛ فَقَالَ - عَلِيمًا حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
[الأحزاب: 56]

اللَّهُمَّ صَلِّ وَسَلِّمْ عَلَى عَبْدِكَ وَرَسُولِكَ مُحَمَّدٍ نَبِيِّ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

SIDANG JEMAAH YANG DIRAHMATI ALLAH,

Khatib juga mengambil kesempatan ini untuk menyeru para jemaah sekalian agar mengambil dos penggalak dengan kadar segera sebagai usaha mengurangkan kesan jangkitan Covid-19 dan menjaga kemaslahatan nyawa. Hal ini kerana data KKM terkini menunjukkan, walaupun 72.9% populasi dewasa telah menerima booster di Pulau Pinang, namun prestasi booster dalam kalangan Melayu/ Islam adalah yang paling rendah iaitu hanya 54% berbanding kaum lain. Situasi



semasa juga agak membimbangkan apabila kadar kematian di luar fasiliti kesihatan (*BID*) kembali meningkat dengan jangkitan *Covid-19* hanya dikenalpasti selepas kematian. Maka segeralah mendapatkan dos penggalak di fasiliti yang terdekat sebelum atau pada 31 Mac 2022.

Semoga usaha ini menjadi asbab agar Allah **سُبْحَانَهُ وَتَعَالَى** melindungi kita dari jangkitan wabak selain terus melazimi doa:

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ صَالِحِينَ مُصْلِحِينَ وَاشْمَلِ اللَّهُمَّ بِعَنَائِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibnu Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْعَلَاءَ وَالرِّيَاءَ، وَالرَّبَا وَالرَّزَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَن بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang



istiqamah mendirikan solat secara berjemaah serta mengeluarkan zakat dan melaksanakan waqaf.

Ya Allah! Berilah petunjuk-Mu kepada kami, pemuda-pemuda kami, pemimpin-pemimpin kami untuk memberikan khidmat bakti yang terbaik kepada agama, bangsa dan negara.

Ya Allah! Kau hindarilah kami daripada perbuatan-perbuatan khianat dan durjana yang merosakkan kepentingan agama, masyarakat dan negara.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾

فَاذْكُرُوا اللَّهَ الْجَلِيلَ يَذْكُرْكُمْ، وَاشْكُرُوا لَهُ عَلَىٰ نِعَمِهِ يَزِدْكُمْ،
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١١﴾